



Broj: 01,02,03-05-1-91/15
Sarajevo, 27. 4. 2015.

BOSNA I HERCEGOVINA ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ SARAJEVO			
PRIMLJENO: 14-05-2015			
Organizacioni jediniца	Klasifikaciona oznaka	Brojni broj	Broj priloga

**IZVJEŠTAJ S DRUGOG DIJELA REDOVNOG ZASJEDANJA PARLAMENTARNE
SKUPŠTINE VIJEĆA EVROPE, STRAZBUR,
20. - 24. 4. 2015.**

U Strazburu je od 20. do 24. 4. 2015. održan drugi dio plenarnog zasjedanja Parlamentarne skupštine Vijeća Evrope kojem je prisustvovala Delegacija Parlamentarne skupštine BiH u Parlamentarnoj skupštini Vijeća Evrope, u kojoj su bili:

1. Senad Šepić, predsjedavajući Delegacije,
2. Borjana Krišto, prva zamjenica predsjedavajućeg Delegacije,
3. Milica Marković, članica Delegacije,
4. Mladen Bosić, član Delegacije,
5. Željko Komšić, član Delegacije,
6. Sevda Valjevčić, sekretar Delegacije i
7. Adnan Bešić, prevodilac.

20. 4. 2015.

Zasjedanje je počelo obraćanjem predsjednice Parlamentarne skupštine Vijeća Evrope **An Braser**, nakon čega su članovi Skupštine minutom ćutanja odali počast žrtvama nedavne tragedije na Mediteranu, u kojoj je život izgubio vekliki broj migranata.

Na početku zasjedanja, Parlamentarna skupština Vijeća Evrope potvrdila je akreditivne Delegacije Parlamentarne skupštine BiH, te je istog dana tokom prijedodnevno zasjedanja član delegacije PSBiH u PS Vijeća Evrope **Mladen Bosić izabran za potpredsjednika PS Vijeća Evrope do kraja 2015. godine.**

S obzirom na to da je raspored članova u komitetima morao biti dostavljen u propisanom roku, odnosno sedam dana prije početka aprilskog dijela zasjedanja, kako bi se omogućilo prisustvo članova tim radnim tijelima tokom aprilskog dijela zasjedanja, članovi Delegacije postigli su dogovor o članstvu u komitetima PSVE-a¹. U skladu s dogovorom članova, raspored članova Delegacije PSBiH u komitetima je sljedeći:

¹ Preliminarni raspored članstva u komitetima PS Vijeća Evrope nalazi se u prilogu

- **Komiteet za političke odnose i demokratiju** (član Senad šepić, zamjenik Mladen Bosić),
- **Komiteet za pravne poslove i ljudska prava** (član Željko Komšić)
- **Komiteet za kulturu, nauku, obrazovanje i medije** (članica Borjana Krišto)
- **Komiteet za socijalna pitanja, zdravlje i održivi razvoj** (članica Milica Marković)
- **Komiteet za ravnopravnost i nediskriminaciju** (član Saša Magazinović)
- **Komiteet za migracije, izbjeglice i raseljena lica** (nije imenovan član)

Članovi Delegacije tokom ovog dijela zasjedanja, pored brojnih bilateralnih sastanaka, aktivno su učestvovali u radu komiteta, kao i političkih grupa PS Vijeća Evrope, čiji su članovi. Posebno je važno naglasiti prisustvo Mladena Bosića u svojstvu potpredsjednika PS Vijeća Evrope Zajedničkom komitetu PS Vijeća Evrope, kao i prisustvo Senada Šepića u svojstvu predsjedavajućeg Delegacije PSBiH u PS Vijeća Evrope sjednici Biroa Skupštine.

21. 4. 2014.

Delegacija PSBiH u PS Vijeća Evrope susrela se s članovima Direkcije za provođenje presuda Evropskog suda za ljudska prava. Tokom sastanka, održanom na inicijativu Direkcije, iskazan je zahtjev za ponovno pokretanje procesa rješavanja pitanja provođenja presude Evropskog suda za ljudska prava u predmetu Sejdić i Finci. Također, članovi Direkcije istaknuli su da se od novih vlasti u BiH očekuje da naprave model koji će dovesti do rješavanja ovog pitanja, koje već dugo vremena opterećuje odnose u BiH. Članovi Delegacije objasnili su kompleksnost problema s kojim se BiH susreće u nastojanju da se provede presuda Evropskog suda za ljudska prava.

Tokom prijepodnevnog zasjedanja Skupština je izabrala sudije Evropskog suda za ljudska prava iz Andore (Pere Pastor Vilanova), Asutrije (Gabriele Kucsko-Stadlmayer), Finske (Pauliine Koskelo), Irske (Siofra O'Leary) i Lihtenštajna (Carlo Ranzoni).

Istog dana održana je rasprava o mjerama tajnog nadzora, budžetu i prioritetima Vijeća Evrope i troškovima PS Vijeća Evrope u periodu od 2016. do 2017. godine i humanitarnim posljedicama aktivnosti terorističke grupe 'islamska država'.

Skupština je podržala je rezoluciju 2045 (2015) o mjerama tajnog nadzora u kojoj, uz ostalo, poziva na jačanje parlamentarne i sudske kontrole obavještajnih službi, prikupljanje i analizu ličnih podataka bez saglasnosti lica samo na osnovu prethodnog sudskog naloga i obezbjeđivanje kredibilne i efikasne zaštite zviždača koji ukazuju na nezakonito provođenje mjera tajnog nadzora.

Nakon zajedničke rasprave o budžetu i prioritetima Vijeća Evrope i troškovima Parlamentarne skupštine u periodu od 2016. do 2017. godine, Skupština je usvojila Rezoluciju 2046 (2015) i Mišljenje, u kojima je posebno istaknuto da široki proces reformi koji provodi Vijeće Evrope s ciljem omogućavanja efikasnijeg suočavanja s aktuelnim izazovima može biti realiziran samo uz političku i finansijsku posvećenost država članica. U tom smislu, pozdravljena je odluka Turske da u 2016. godini postane jedna od zemalja koja će najviše doprinijeti budžetu Vijeća Evrope Evrope.

Parlamentarnoj skupštini Vijeća Evrope obratio se istog dana kralj Belgije koji je pozvao na "uspostavljanje i očuvanje pristojnog društva" izražavajući žaljenje zbog postojanja "velikog broja situacija u kojima muškarci i žene nisu tretirani s dostojanstvom". Posebno je istakao da je jedan od najvažnijih zadataka Evrope nastavak izgradnje kulture u kojoj bi pristojnost i uljudnost prevladale nad ravnodušnošću.

U poslijepodnevnom dijelu zasjedanja bilo je riječi o humanitarnim posljedicama aktivnosti terorističke grupe „islamska država“. U rezoluciji 2047 (2015), usvojenoj ovim povodom, PS Vijeće Evrope poziva države članice da pokažu solidarnost i odgovornost prema izbjeglicama i preduzmu sve neophodne mjere da spriječe odlazak njihovih državljana na ratišta u Siriji.

Generalni sekretar Vijeća Evrope Torbjorn Jagland, odgovarajući na pitanja poslanika, posebno se osvrnuo na Akcioni plan Vijeća Evrope za Ukrajinu, čiji je cilj pružanje podrške političkim i ustavnim reformama u Ukrajini, kao i na potrebu poboljšanja operacija spašavanja na moru, ali i jačanja ekonomske, socijalne i političke situacije u zemljama Mediterana.

22. 4. 2015.

Trećeg dana zasjedanja Delegacija PSBiH u Parlamentarnoj skupštini Vijeća Evrope susrela se s predsjednicom PS Vijeća Evrope An Braser. **Glavna tema sastanka bila je predstojeće preuzimanje predsjedavanja Bosne i Hercegovine Komitetom ministara Vijeća Evrope.**

Članovi naše delegacije upoznali su predsjednicu Braser s najznačajnijim političkim događajima koje Bosna i Hercegovina planira realizirati u kontekstu predsjedavanja Komitetom ministara Vijeća Evrope, te naglasili potpunu spremnost BiH za predstojeće predsjedavanje.

Izražavajući zahvalnost Delegaciji PSBiH u PSVE-a na veoma dobro obavljenim pripremama za preuzimanje predsjedavanja, predsjednica Braser naglasila je spremnost PSVE-a za aktivno učešće u svim događajima tokom predsjedavanja naše zemlje Komitetom ministara VE. Izrazila je nadu da će predsjedavanje predstavljati izuzetno važan podsticaj nadležnim predstavnicima institucija u našoj zemlji za daljnjim ubrzavanjem reformskih procesa, kao i konačnim provođenjem presude Evropskog suda za ljudska prava u predmetu Sejdić i Finci.

Predsjednica Braser zahvalila je članovima Delegacije PSBiH u PSVE-a i na odličnoj organizaciji posjete Bosni i Hercegovini, koja je realizirana od 11. do 13. 3. ove godine, te **izrazila svoje zadovoljstvo ponovnim susretom s predstavnicima vlasti u BiH, koji će se u okviru predsjedavanja BiH Komitetom ministara Vijeća Evrope, na marginama sastanka Biroa i Stalnog komiteta PS Vijeća Evrope, održati 21. i 22. 5.2015. u Sarajevu.**

Istog dana **prva zamjenica predsjedavajućeg Delegacije Borjana Krišto** sastala se sa šefovima parlamentarnih delegacija Republike Srbije Aleksandrom Đurović, Republike Hrvatske Gvozdenom Srećkom Flegom, Republike Crne Gore Predragom Sekulićem i Republike Makedonije Aleksandrom Nikoloskim u PSVE-a. Glavna tema sastanka bila je saradnja nacionalnih delegacija u međunarodnim parlamentarnim organizacijama, prilikom čega su učesnici pozdravili predstojeće predsjedavanje Bosne i Hercegovine Vijećem Evrope, kao i predsjedavanje Republike Srbije Organizacijom za evropsku sigurnost i saradnju (OSCE), te predsjedavanje Makedonije Centralnoevropskom inicijativom (CEI). Također, usaglašena su mišljenja da ove delegacije kroz buduće kooperativno partnerstvo i dogovor treba da rade na daljnjem unapređivanju međusobnih odnosa, te razvijaju saradnju na afirmaciji pojedinačnih i zajedničkih interesa, jačajući time i ulogu regiona Jugoistočne Evrope u multilateralnim parlamentarnim organizacijama.

Tokom sastanka razmijenjena su i mišljenja o aktuelnim pitanjima koja se razmatraju tokom aprilskog dijela zasjedanja PSVE-a, kao i o načinima saradnje delegacija parlamenata zemalja našeg regiona.

Trećeg dana zasjedanja održana je rasprava o posljedicama političke i sigurnosne situacije u Ukrajini, diskriminaciji transrodnih osoba u Evropi i zakonodavnom okviru i praksama odvajanja djece od porodice u zemljama članicama Vijeća Evrope.

Parlamentarna skupština Vijeća Evrope podržala je Rezoluciju 2048 (2015) u kojoj izražava žaljenje zbog diskriminacije s kojom se suočavaju transrodne osobe u Evropi i ukazuje na nedovoljno razvijenu svijest javnosti o ovom pitanju. S tim u vezi, Skupština je pozvala države članice da svojim zakonodavstvom izričito zabrane diskriminaciju zasnovanu na rodnom identitetu.

Skupština je, također, po okončanju rasprave o socijalnim službama u Evropi, usvojila Rezoluciju 2049 (2015) kojom poziva države članice da usvoje zakone i procedure u kojima se, prilikom donošenja odluka o odvajanju djeteta od porodice, na prvo mjesto stavlja najbolji interes djeteta. U Preporukama koje su usvojene istim povodom, Skupština preporučuje Komitetu ministara da bi prilikom izrade strategije Vijeća Evrope za prava djeteta (2016.-2019.) trebalo obuhvatiti i pitanje poštivanja dječijih prava u postupku odlučivanja o odvajanju od porodica.

Istog dana ministar vanjskih i evropskih poslova Belgije Didije Reijnders predstavio je Komunikaciju o aktivnostima Komiteta ministara Vijeća Evrope u periodu između dva zasjedanja (februar – april 2015.). Posebno se osvrnuo na aktivnosti u oblasti borbe protiv radikalizma i ekstremizma, kao i u oblastima vladavine prava, ljudskih prava i socijalne kohezije.

23. 4. 2015.

Četvrtog dana zasjedanja održane su rasprave o migracionim tokovima na Mediteranu, Prijedlogu dodatnog protokola uz Konvenciju o sprečavanju terorizma, postmonitoring dijalogu s Monakom, upotrebi bespilotnih letjelica - dronova u kontekstu ljudskih prava i međunarodnog prava te o pozivu Međunarodnoj fudbalskoj federaciji (FIFA) da ponovi glasanje o domaćinu Svjetskog prvenstva 2022. godine

PS Vijeća Evrope usvojila je više rezolucija među kojima i Rezoluciju 2050 (2015) kojom poziva države članice Evropske unije da usvoje sveobuhvatan pristup rješavanju migracionih tokova na Mediteranu, kao i da jačaju operacije potrage i spašavanja na moru pružanjem većeg doprinosa.

Istog dana, također, donesena je odluka o okončanju postmonitoring dijaloga s Monakom, uz nastavak praćenja zakonodavnog i institucionalnog razvoja putem periodičnih izvještaja Odbora za monitoring. U Rezoluciji 2052 (2015) koja je donesena tim povodom pozdravljen je značajan napredak koji je Monako ostvario od 2004. godine u ispunjavanju preuzetih obaveza.

U poslijepodnevnom dijelu zasjedanja komesar za ljudska prava predstavio je Godišnji izvještaj o radu za 2014. godinu.

24. 4. 2015.

Posljednjeg dana zasjedanja Skupština je razmotrila pitanja ravnopravnosti i zabrane diskriminacije u pristupu pravosuđu i efektivnosti Evropske konvencije o ljudskim pravima. Nakon okončanja rasprava Skupština je usvojila Rezoluciju 2054 (2015.) i Rezoluciju 2055 (2015.).

Pripremila²: Sevdaljević


Sekretar Delegacije

Dostavljeno:

- kolegijima oba doma PSBiH
- Komisiji za vanjske poslove PDPSBiH
- Komisiji za vanjske i trgovinsku politiku, carine, saobraćaj i komunikacije Doma naroda PSBiH
- Delegaciji PSBiH u PSVE-a
- Kolegiju Sekretarijata
- Sektoru za međunarodne odnose i protokol
- Ministarstvu vanjskih poslova BiH
- a/a

² Uz saglasnost predsjedavajućeg Delegacije PS BiH u PS Vijeća Evrope

Committee membership to the Parliamentary Assembly in 2015

Country: Bosnia and Herzegovina

Date: 07.04.2015.

<i>Committee</i>	<i>Member</i>	<i>Alternate</i>
Committee on Political Affairs and Democracy	SENAD ŠEPIĆ	MLADEN BOSIĆ
Committee on Legal Affairs and Human Rights	ŽELJKO KOMŠIĆ	
Committee on Social Affairs, Health and Sustainable Development	MILICA MARKOVIĆ	
Committee on Migration, Refugees and Displaced Persons		
Committee on Culture, Science, Education and Media	BORJANA KRIŠTO	
Committee on Equality and Non-Discrimination	SAŠA MAGAZINOVIĆ	

(NB: Nominations to the Committee on the Honouring of Obligations and Commitments by Member States of the Council of Europe (Monitoring Committee), the Committee on Rules of Procedure, Immunities and Institutional Affairs and the Committee on the Election of Judges to the European Court of Human Rights are submitted by the Political Groups)

Šepić forward